

# Pal o Samson



**TRUEWAY KIDS**.COM

# Angluno lav

Kada kurko peske džaha dureder a vakeraha peske pal o sudci andro Izrael, save vladñinenas medik na domarde e zasľubimen phuv the medik na ačhade ešebnones kralis andro Izrael. Prelaha peske o dživipen le Samsonoskro. Leskro pribeh hin pisimen andre kñižka le Sudcengri 13-15.

Video playlist



Kala hine o glavna bodi:

- O Del amen del špecijalna schopnosti the dari.
- Kamas peske te del pozoris kaske pačas, bo varesave manuša amen kamena te klaminel.
- Sar keras pokañje, o Del amenge odmukel.

## Predžas peske e lekcija

Leperen le čhavorenge varesave sudcen, pal save imar vakerenas o pribehi. Vakeren pal ada, oj o sudci sas o vodci andro Izrael avke, sar akana amen hin andro štati manuša, so l'idžan. Naprikklad o prezidenta, o premjera, ...

Vakeren pal ada, sar o Del diña le Samson špecijalno schopnosť. Phučen le čhavorendar, či džanen savi. Vakeren le čhavorenca pal ada, sar o Del kerdža, oj o Samson te avel igen, igen zoralo. Vakeren the pal aver schopnosti, save šaj avel le manušen, naprikklad te džanel te giľavel, te avel igen godžaver abo varekas šaj avel lače vasta pre buči. Zagondolinen tumen upral tumari buči a vakeren le čhavorenca pal ada, sar tumen o Del diña e schopnosť, oj oda te keren.

Phučen le čhavorendar, či džanen, so hin te dôverinel varekaske. Vakeren pal ada, oj e dôvera hin te pačal pal varesoste, oj oda hin čačipen. Vakeren pal o manuša, savenge šaj pačas, sar hin e daj abo o dad. Višvetľinen, oj jekh dženo, kaske furt šaj pačas, hin o Ježiš.

Vakeren le čhavorenca pal ada, oj mušinas te avel godžaver, oj amenca o manuša te na thoven avri. Te kamen te sikavel varesave podvodi, save o manuša keren, šaj thoven andre kuči, andre škatuľa abo andre varesoste avreste skrčimen papiris. Upral o papiris thoven cukri abo varesavo guľipen. Sikaven le čhavorenge, sar dičhol avri e kuči, phenen lenge, oj varesave manuša amenge phendahas, oj kadi kuči hiñi pherdo guľipen. Palis len avri o cukri abo o guľipen a sikaven, oj hin andre skrčimen papiris. Vakeren pal oda, sar mek amenca o manuša šaj thoven avri abo šaj amen klaminen. Sikaven pre oda, sar klaminde le Samson the sar leha thode avri. Vakeren pal oda, sar e Dalila klamindža le Samsonoske, the pal oda, oj ov lake na kamňa te phenel peskro tajomstvo. Višvetľinen, oj kamas peske te del pozoris pre oda, kaske pačas the dôverinas.

Phučen le čhavorendar, či džanen, so hin te kerel pokañje. Višvetľinen lenge avri, oj te kerel pokañje hin te bavinel, oj kerdžam o nalačo, te visarel pes le nalačhipnastar a te chudel te džal aver dromeha. Varekhaj, kaj hin baro than a nane ode nič ñebezpečno, nič pre soste lenge šaj poddžal o pindre thoven stolkos a upre vareso fajno. Višvetľinen, oj bavinena hra pro pokañje. Leperen le čhavorenge, oj te kerel pokañje hin te bavinel o nalačhipen, so kerdžam a te visarel pes le dumeha ki o binos. Zagondolinen tumen upral ada, oj the te sas o Samson koro, the avke šaj dôverinelas le Devleske, oj leske odmukela, te kerela pokañje. Zaphanden andre o jakha varesave čhavoreske. Bondžaren les avri a phenen leske, oj les l'idžana ki o stolkos. Furt, sar viskinena „Pokañje!“, ela ada, oj džal na mište a mušinel pes te visarel.

Sar pes o čhavoro dochudela paš o stolkos the paš oda, so hin upre, gondolinen pal ada, sar amen e Biblia šaj odlel le vecendar, save nane lače. Leperen le čhavorenge, oj sar keras pokañje, mušinas te phenel le Devleske, oj amenge hin pharo so kerdžam a te preačhel ada imar te kerel.

Modľinen tumen le čhavorenca a mangel le Ježiš, oj tumenge te pomožinel te pačal Leske the te viznavinel peskre bini.





O Samson kerelas andre bertena buči. Leskre bala pale barile.

Jekhvar ile le Samson andro chramos. Kamenas pes te presikavel, oj chudle le Samson.

O Samson pes modlînelas ki o Del. Phendža, oj leske hin pharo a kerelas pokañje, mangelas le Devles, oj lestar pale te kerel zoraes.

O Del diña le Samson zor a čhidža tele o stlupi andro chramos. O chramos peľa pro ñeprijateľis.



# Pal o Samson

Le Devles sas prekal o Samson špecijalno planos mek angle oda, sar ulîľa.

O Del phendža le Samsonoskra dake, oj o Samson zachrañinela le manušen.

O Del phendža, oj o Samson našti chal varesavo chaben the našti pijel varesave paňa the oj šoha našti strinel o bala.

O Del požehñindža le Samson.



O Del diña le Samson bari zor.

Jekhvar chučiła pro Samson ľevos. O Del les diña zor te ľerinel upral o ľevos.

Paľis ľerindža upral o 1000 murša andro mariben, kaj pes marelas ča le kokaloha.

Jekhvar korkoro čhidža tele o brani le foroskre. Iľa len khere pro vali.

Čačes sas o brani igen phare.



Ale o Samson kerdža vareso nalačho.

Zakamňa pes andre džuvľi, savi pes vičinelas Delila. Oj les kamelas te klaminel.

Kamelas te avel pre oda, khatar hin leskri zor a paľis les te thovel andre bertena.

O Samson phendža la Delilake, oj našti strinel o bala.

Sar ov zasuča, strindža leske o bala a o Samson slabisaľiľa.

O ňeprijateľis iľa le Samson andre bertena.



# O hri the aktiviti

## Phare the loke veci

Arakhen vajkeci všelijaka phare veci the loke.

Mangen le čhavoren, oj te hadinen, či hine o veci phare abo loke.

Arakhen vajkeci veci, so hine loke (balonos abo perñica) the cikne veci, save hine phare (varesavo trastuno zavažje, cehla). Te kamen te sikavel oj, na džal pal oda, savo hino o vecos baro.



## Talentovo šou

Vakeren pal ada, sar o Del diña le Samson špecijalno daros, zor. O Del amen savoren del špecijalna talenti. Keren tumenge khere andre famelija abo andre khangeri talentovo šou. Snažinen tumen te sthovel so mekbuter talenti, keci pes ča del. Pal'ikeren le Devleske vaš o dari, save amen del.




## Te cvičinel

Vakeren le čhavorenca pal ada, so amendar kerel zoralen a sar amenge šaj baron o svali.




Vakeren pal ada, oj hin dôležito te chal lače chabena the te cvičinel.

Te rodena pro internet, arakhena but napadi, sar te cvičinel le čhavorenca dži 5 berš the le predškolakenca.

Ma bisteren, oj hin mište te the tumen cvičinen le čhavorenca.



# Kreslínen le manušenge učesi






Strin la nožničkaha pal o prerušimen čjari a ker le  
čhaveske o bala






Kika farbaha zakružkin andre o phare veci  
l'ola farbaha zakružkin andre o loke veci





# Džanes tut te kreslínel?



Man hin

- |                                      |                                      |  |
|--------------------------------------|--------------------------------------|--|
| <input type="checkbox"/> Tmava bala  | <input type="checkbox"/> Bare bala   | <input type="checkbox"/> Kolmimen bala |
| <input type="checkbox"/> Svetla bala | <input type="checkbox"/> Charne bala | <input type="checkbox"/> Rovna bala    |



l'epin abo kresl'in o bala le Samsonoske

# Le Samsonoskro šero la čaratar

## So tumenge kampel:

- Puraňi punčoška abo štrinfľa
- Kompostos abo čhik
- Semjenka čhar
- Guma abo šňurka
- Jakha, so pes čalaven, the varesavi šparga te dokerel o muj
- Nadoba pro šero la čaratar
- E predloha



## Sar te kerel:




Pro końec andre punčoška thoven kopa semjenka la čharakre.



Čhiven andre čhik a keren šukar guľa.




Keren o nakh a zakeren andre la gumaha abo la šňurkaha.



Dothoven o jakha. Dokeren o muj, o bervi,..



Ozdobinen e nadoba – Ľepinen o vali pal o seri.





Thoven o šero andre nadoba. Čhivkeren paňi andre nadoba a e punčoška muken te močisaľol andro paňi, oj peske te cirden o paňi.

Sar e čar chudela te barol, keren la nožničkaha šukares o bala. (Vaj pal o 10 dživesa.)



Vitlačinen avri



# E buči le vastenca o Samson the o stlupi

## So tumenge kampil:



- Farbički
- nožnički
- ľepos


## Sar te kereľ:

1. Farbinen andre e strana, kaj hin e predloha.
2. Prethoven e strana, kaj hin o chramos čido tele avke, oj pes te spojinel mařkaral.
3. Le Samson pro obrazkos le stlupenca teľder strinen avri a ľepinen pre čuči avruňi sera pre predloha, so prethodřan.

Pre kada video řaj dikhen o navod.


[https://youtu.be/M1o85W\\_Xxeg](https://youtu.be/M1o85W_Xxeg)




















# Čas pro uctjevañje

O giľa pro uctjevañje. O giľa nane kerde prekal o Trueway Kids. O Youtube videa šaj použinen ča prekal tumende.

Joy of the Lord is your strength

<https://youtu.be/Fu6wL9a6rn4>

What A Mighty God We Serve

<https://youtu.be/lijsESdEnZg>

Strong in the Lord

<https://youtu.be/wTxRD8orexk>



## Čas pro modl'itbi

Paľikeren le Devleske vaš o talenti, save tumen del.

Paľikeren le Devleske, oj amenge odmukel, sar keras pokañje.

Mangen le Devles, oj tumenge te pomožinel te pačal le lačhe manušenge.

# Aver kurko

## Pal e Rut

Te mek oda na kerdžan, zaregistrinen tumen, oj tumenge te avel aver kurkeskri lekcija pro e-mail [truewaykids.com/subscribe/](https://truewaykids.com/subscribe/)

